

## WILLIAMS, THOMAS RHONDDA (1860 - 1945), gweinidog gyda'r Annibynwyr

**Enw:** Thomas Rhondda Williams  
**Dyddiad geni:** 1860  
**Dyddiad marw:** 1945  
**Rhiant:** Thomas Williams  
**Rhyw:** Gwryw  
**Galwedigaeth:** gweinidog gyda'r Annibynwyr  
**Maes gweithgaredd:** Crefydd  
**Awdur:** Robert Thomas Jenkins

Ganwyd yn y Bont-faen 19 Mehefin 1860 yn un o dri o feibion Thomas Williams gweinidog gyda'r Methodistiaid Calфинаidd, a aeth i'r weinidogaeth, dau ohonynt gyda'r Annibynwyr, ac un gyda'r M.C. Derbyniwyd ef i goleg Caerfyrddin fel Thomas Rees Williams yn 1877. Bu'n weinidog ym Methania, Dowlais (1880), Gnoll Road, Castell Nedd (1884), Greenfield, Bradford (1888), a'r Union Chapel, Brighton (1909). Ymddeolodd yn 1931, gan fyw weddill ei oes yn Hove, lle y bu farw 21 Tachwedd 1945.

Cyhoeddodd amryw lyfrau. Ystyrir ef yn bregethwr blaengar, a chefnogai'r 'Ddiwinyddiaeth Newydd' yr oedd cymaint sôn amdani tua throad y ganrif. Yn 1930 traddododd y bregeth i gymanfa Cynghair y Cenedloedd yn Geneva. Cyflwynwyd iddo radd D.D. gan seminari ddiwinyddol Chicago. Efe oedd cadeirydd Undeb Cynulleidfaol Lloegr a Chymru yn 1929.

### Awdur

Yr Athro Emeritus Robert Thomas Jenkins, (1881 - 1969)

### Ffynonellau

*Oriel Coleg Caerfyrddin* (1909)

*Who's who in Wales*, 1920

*The Congregational Year Book*, 1946

### Dolenni Ychwanegol

Wikidata: [Q20821227](https://www.wikidata.org/wiki/Q20821227)

Dyddiad cyhoeddi: 1970

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.

